




ՍՈՒՐԲ ՅԱՐՈՒԹԻՒՆ

Դործ՝ ԼԱՌԻՐԱ ՍԱՐԳՍՅԱՆԻ, 1978, Երևան



ՎԵՀԱՓԱՌԻ ՀԱՅՐԱՊԵՏԻ ՔԱՐՈՋԸ ՓՐԿՉԻ
ՀՐԱՇԱՓԱՌԻ ԵՎ ՍՈՒՐԲ ՀԱՐՈՒԹՅԱՆ ՏՈՆԻ ԱՌԹԻՎ
ՄԱՅՐ ՏԱՃԱՐՈՒՄ
(1978 թ. մարտի 26)

«Յանուն Հոր և Որդու և Հոգույն սրբոյ. ամէն»:
«Յարեաւ Քրիստոս ի մեռելոց»:

Միրելի հավատացյալներ,

Տեր Աստված հարցն մերոց, գոհություն Քեզ որ ամեն գաբնան լուսաբացին բոլորիս պարգևում եւ ուրախությունը հարության, սուրբ հիշատակովը Միածին Որդվույդ մեծ հաղթության:

Այսօր, այս լույս առավոտյան, վերստին պահն է այդ ուրախության, պահը հրաշք հարության Հիսուսի Քրիստոսի, պահը Նրա հաղթության ընդդէմ մեղքի ու ընդդէմ մահու:

Սուրբ Ավետարանիչները մեր, և պատմական հնագույն աղբյուրներ վկայում են ճշմարտությունը այդ հրաշալի դեպքի, որի վրա է խարսխված հավատքն ու հույսը փրկության՝ ողջ քրիստոնյա աշխարհի, երեկ, այսօր ու հավիտյան: Ու անցնող երկու հազար տարիների պատմությունը և քաղաքակրթությունը ևս, պայծառ վկայությունն են հանդիսանում միևնույն ճշմարտության: Այո՛, դարերի հոյովություն, մարդկային ոգեկան ուժերի զմայլելի թռիչքներով ու իրագործումներով, ավելի ու ավելի ճշմարտվեց աշխարհաստան դեպքը Նազովրեցի Հիսուսի հարության: Մեծ հրաշքը դարձավ տեսալիկ կենդանի ապրում ու փրկագործ տեսիլք իմահախուճապ սերունդների համար, դարձավ գերագույն ուրախությանց աղբյուր, դարձավ մարդկային հոգին արգասավորող ու նրան ստեղծարար ներշնչանքներ պարգևող մշտանորոգ ուժականություն:

Ուրեմն, սիրելի հավատացյալներ, Քրիստոսի հարության հիշատակը, լոկ պատմական մի դեպքի տարեդարձը կամ տոնակատարությունը չէ, այլ միշտ նորոգվող հոգեկան մի հրաշալի ապրում, որ համակում է մարդկանց

ողջ էությունը, ամեն տարի միշտ նույն ուժգնությամբ, միշտ նույն թարմությամբ, միշտ նույն ջերմությամբ: Ամեն տարի, կարծես նոր է որ հաղթություն է առնում Հիսուս Իր գերեզմանից: Կարծես մեզանից ամեն մեկի հոգու գերեզմանից է հառնում Նա: Հիսուսի հաղթությունը այսպիսով դառնում է ամեն մեկիս հոգու զարթոնքը, ամեն մեկիս հոգու հաղթությունը մեր մարմնի կաշկանդումների դեմ, մեր մեղքերի դեմ, մահվան ուրվականի դեմ: Հիսուսի հաղթությունը ճանապարհն է մեր հոգիների փրկության: Հիսուսի հաղթությունը ստուգությունն է՝ հավիտենական կյանքի մեր անմար հույսի:

«Զի որպէս թագաւորեցին մեղքն ի մահու անդ, նույնպէս և շնորհքն թագաւորեցեն արդարութեամբ ի կեանս յաիտենից ի ձեռն Յիսուսի Քրիստոսի Տեառն մերոյ» (Հռոմ. Ե 21): Այսինքն՝ «Ինչպէս որ մեղքը թագաւորեց մահվան մեջ, նույնպէս և շնորհը պիտի թագաւորի արդարութեամբ հավիտենական կյանքի մեջ, մեր Տէր Հիսուսի Քրիստոսի միջոցով»:

Արդ, որովհետև ճշմարտապէս հարյավ Հիսուս ի մեռելոց, ուրեմն և ճշմարտապէս փրկության կոչված են բոլոր հոգիները, արդարանալով իրենց հավատքով ու իրենց բարի գործերով:

Այս լույս Զատիկի առավոտյան, հաղթական ուրախության ճառագայթումով, թող մեր հոգիների մեջ հրաշափատորեն հայտնվի Ինքը Հիսուս, որպէսզի սրբվենք մեր մարմնի ու հոգու տկարություններից և դառնանք վերածնված մարդիկ, դառնանք լուսո որդիներ, երբեք չմեռնելու հույսը մեր սրտերում ծրարած:

Հիսուսի հրաշափառ հաղթությունը՝ լույսն ու հաղթությունն է մեր կյանքի, սկիզբը և պսակը մեր բոլոր ուրախությունների:

Այդ հավատքով, այդ ստուգությամբ դաստիարակում է ու առաջնորդում մեզ՝ բոլոր հաւերիս, Հայաստանյայց եկեղեցին, մեր առաքելական Մայր եկեղեցին, բոլոր հաւերի, բոլոր ժամանակների մեր հարազատ եկեղեցին:

Փա՛րք հրաշափառ Հաղթական Տեառն մերո Հիսուսի Քրիստոսի:

Հարգա՛նք ու հավատարմություն Քեզ, եկեղեցի հայկական, ծննդավայրն ու փրկության ճանապարհը բոլոր հաւ հոգիների:

Սիրելի հավատացյալներ, ինչպէս գիտեք, Մենք նոր ենք վերադարձել արտասահման կատարած Մեր ուղևորությունից, երբ այցելեցինք Պաղտատի և Փարիզի հայոց եկեղեցիները, հանդիպեցինք այնտեղ մեր հավատացյալներին, ձեր հարազատ քույրերին ու եղբայրներին, բաշխելով նրանց բոլորին առավել հավատք, առավել հույս և սուրբ Էջմիածնից կենսարար օրհնություն:

Այս առավոտ Մենք մի անգամ ևս համոզվեցինք թե ի՞նչ բախտորոշ դեր է վերապահված մեր Մայր եկեղեցուն, ի խնդիր մեր պանդուխտ ժողովրդի հոգիների լուսավորության, կրոնական, կրթական, մշակութային ու հայրենասիրական իմաստով: Մի անգամ ևս համոզվեցինք թե ինչպիսի՞ բախտորոշ ու պատվաբեր առաքելություն ունեն ամեն տեղ, մեր եկեղեցու սպասավորները, մեր հոգևորական եղբայրները սփյուռքի տարածքի վրա: Մեր մաղթանքն է որ Տէրը առավել պայծառացնի նրանց առաքելության գիտակցությունը, առավել անցնի նրանց աշխատանքի եռանդը, առավել զորացնի նրանց հավատքը իրենց նվիրական գործի նկատմամբ: Մեր մաղթանքն ու հորդորն է որ մեր եկեղեցու հոգևոր սպասավորները իրենց

ծիսական և վարչական պարտականությանց զուգահեռ, ոգեշնչումով ու անձնուրացությամբ նվիրվեն հայ նոր սերունդների կրոնական, կրթական ու մշակութային հայեցի դաստիարակության գործին: Միշտ այժմեական է մեծն Աբովյանի կտակը՝ նախնյաց «հավատն ու լեզուն» սրբությամբ պահպանելու մասին: Գիտենք թե արտերկրի պայմաններում դրանք երբեմն իրավամբ անիրագործելի ծրագրեր ու առաջադրանքներ են թվում: Սակայն, մենք՝ եթե իրավ քրիստոնյաներ ենք ու հավատում ենք հոգեկան ուժերի ու անդով աշխատանքի հրաշագործության, ապա լավատեսությամբ պետք է դիմագրավենք բոլոր դժվարությունները և իրագործենք, կյանքի կոչենք այն ինչ անհաղթահարելի է թվում առաջին ակնարկից:

Սուրբ Զատիկի խորհուրդներով լի, հրաշքի այս պահին, ներկյուղածությամբ մոտենանք Հիսուսի լույս գերեզմանից բաշխվող շնորհներին, լցնելու համար մեր արտերն ու հոգիները՝ հավատքով դեպի մեր առաքելությունը, վառ հույսով դեպի հայոց ապագան, սիրով ու նվիրումի ոգիով դեպի մեր Մայր եկեղեցին, դեպի մեր հարազատ ժողովուրդը և դեպի մեր վերածնված մայր հայրենիքը:

Սիրեցյալ հոգևոր գավակներ Մեր որ ի Հայաստան և որ ի ափսոսա աշխարհի, թող հավետ օրհնչյալ լինի հրաշալի հարությունը Քրիստոսի:

«Ընորհք, սեր և խաղաղութիւն յարուցեալ Փրկչին մերոյ Յիսուսի Քրիստոսի եղիցին ընդ ձեզ այժմ և յաիտեան». ամեն:

